



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

4. Præmia & pœn[a]e jeiuniu[m] quadragesimale obseruantiu[m], aut violentiu[m].

urn:nbn:de:hbz:466:1-45653

illius, quadraginta diebus, & quadraginta noctibus: usq; ad montem Dei Horeb. Nec volebat Daniel, cum tribus pueris, nisi legumina ad vescendum, & aquam ad bibendum, & tamen apparuerunt vultus eorum meliores, & corpulentiores, pra omnibus pueris, qui vescabantur cibo regio. Ergo amici Dei, & pauperes, quorum est regnum Dei, non solum exquisita non curant, sed etiam refugunt, quidquid est delicatum. Quin saepe neque micis saturantur, quæ cadunt de mensa dominorum, & tamen sani sunt, atque robusti: morbis innumeris carent, quibus, qui in domibus regum sunt, scatent. Nempe diuina bonitas alit illos, & ipsa abstinentia est illis pro medicina.

IV.

Matth. 5.6.

IIa, 14. II.

Ad eundem modum, qui Ecclesiæ præcepto, per 40. dies, graui abstinentia obediunt, & sanescunt saepe, & insuper hostem domesticum carnem spiritui rebellantem domant; Acheronticas larvas vincunt; peccata abstergunt; in spem veniunt, quæ clamat: *Beati qui esuriunt & sitiunt, quoniam in cœlo, cum Lazaro, saturabuntur.* O quanta tunc erit rerum metamorphosis! Tunc bona recipient, qui nunc malis affliguntur; & , qui nunc *ducunt in bonis dies suos*, in puncto ad infernum, cum Epulone proiecti, frustra vnius guttæ petent refrigerationem. Tunc accumbent in nuptijs agni, qui nunc ante fores magnatum, inter canes, iacent; & qui nunc in purpura & eburneis sellis accumbunt, tunc, ante tristem Cerberum, prosternentur: *subris sternetur tinea, & vermis erit operimentum eorum.* Tunc ipse Dominus transiens ministrabit illis, qui iam, neque inter mancipia consistere permittuntur; & qui iam primos accubitus ambient, in ordinem redigentur, infimique erunt, quando iubebuntur descendere, ut nouissimum locum in Tartaro occupent. Tunc torrente voluptatis potabuntur, qui nunc *panem suum cum fletu miscent*: & qui nunc semper Hilaria celebrant, ac Bacchanalia viuunt, tunc demum sentient, *extrema gaudia laetii occupari.* Quis igitur non vellet, aliquid hic pati? famere? Ecclesiæ parere? iejunio vacare, & Deo valetudinis suæ curam permittere? cum illi, qui medicos quiritando corrumpunt, aut quibus corporum magis, quam animarum, curiosi medici pestiferè adulantur; aut qui iam debilitatem, iam occupationem, iam hunc, iam illum morbum, pro libitu, fingunt, & prætexunt, ut carnibus se farcire, & comedendo tempus atque conscientiam fallere possint; satietatem suam nimis longa & acerba in Achērunte

runt inedia sint commutaturi. Itaque iudicium patris audite filij Eccli. 3. 2.
(Ecclesiæ) & sic facite, ut salvi sitis. Si parum est vobis, paruo contenti estote: si multum, obedite Ecclesiæ ieunia præscribenti.

V.

At seuerum est præceptum; grauis inedia; longa dies; impatiens venter, ingens consuetudo comedendi? Negantur calida. Nec panis satis conceditur. Additur pomum nanum, aut pannucium; libi buccea; villum. Libare hoc est, non cœnare. Hæ voces sunt gulonum, & manduconum, & non tam corporis fomenta, quām libidinis nutrimenta quærentium; atq; eorum, qui inediæ fræno inprimis indigerent. Nimirum, vt cæci, vident, & loquuntur, vt muti, hoe est, nihil, aut, quod ipsi non intelligunt, veri Polypi, qui, ubi quidquid tetigerint tenent; seu esculentum sit illud, seu poculentum. Heu quām multū distant nostrorum sæculorum ieunia, ab illa sanctissima antiquitate! Paulus & Antonius, & ipse magnus Elias dapsiliter sibi viuere videbantur, cum laticem libarent; cum, longo die, dimidium panem manducarent. Dei præcursor Ioannes, in vtero sanctificatus, locustas comedebat, & mel siluestre. Paximacijs contenti erant, qui sanctissimè, in claustris, vitam viuentes, vix habebant, quod tam severa pœnitentia eluerent. Nunc scelestissimo cuique pane & aqua contentum esse, durissimum & intolerabile videtur. Quid ergo mirum, si sunt homines, qui de Dei Prudentia queruntur, nulla enim illis est, nisi pinguisssimæ culinæ prouidentia. Neglexisse se arbitrantur, si non quotidie *Pauus nequitænidum in cacabo* facit. Oeconomum agit Deus, non dulciarium: prandia mittit, non promittit conuiuia: pasci vult suos, non distendi: sustentari cibis, non opprimi. Quamobrem etiam alijs, quos, non sine miraculo, nutriuit, necessaria dedit, non curiosa; coliphia, non crustula submisit, aut melimela. Et quando nos docuit orare, dixit: *Panem nostrum quotidianum da nobis hodie*, seu, vt alia lectio Matth. 6.11. *habet, supersubstantialem, τὸν θησαυρὸν enim, quod alij, quotidianum,* S. Hieronymus *supersubstantialem* vertit; quasi tantum de Eucharistia & pane Angelorum solicii esse debeamus; aut certè de diario & hodierno, non de craftino pane. Et quanquam, *panis* nomine, in diuinis, etiam alijs hominum cibi intelligantur, non voluit tamen Christus à nobis peti ficedulas, aut alaudas, aut turdos, aut perdices & coturnices: multò minùs linguas psittacorum, Itaque pane prouisum est, quibus è cœlo sua missa est anno-

S 3 na;